

آبونه شرائطی

داخلی، خارجی، هریراچون
سنه لکی (۲۵۰)، آلتی آیانی

(۱۳۰) غروشدور.

نسخه سی ۵ غروش،

سنه لکی ۵۲ نسخه در

اداره خانه

باب عالی جاده سنده دائره مخصوصه

اخطارات

آبونه بدلی پشیندر

مسلكه موافق آثار مع المنونیه

قبول اولنور. درج ایدله یں

یازیلر اعاده اولونماز

والله یهدی من یشاء الی صراط مستقیم

محمد عاكف

اشرف ارباب

اتبعون اهدکم سبیل الرشاد

الکشاف

۱۳۰۳

دینی، فلسفی، علمی، ادبی، سیاسی هفته لق مجموعه اسلامیه در

صاحب و مدیر مشول

باش محرر

بولیور و تالم ایدیوردق . فقط چوق شکر ، عالم اسلامدن خبر بوسوتون منقطع اولامش . مشیمه انیا اولان اومبارک طوپراق حالا ورثه انیا یئشدریور . هیچ شهبسز نام محترمی سرنامه اتخا ایتدیگمز مولوی محمد علی حضرتلری بونلرک سرفرازلرنددر . چونکه مشارالیه یوقاریده بیان ایتدیگمز وجهله قرآن کریمی انگلیزجه به ترجمه وینه اولسانله تفسیر ایدن ایلک مسلمان عالمیدر .

محمد علی حضرتلری حقده اوزون اوزادی به سرد مطالعات ایدن انگلیز غزته لرندن معلومات آتیله اقباس ایدیورم : « ذی قویست » غزته سی دیورکه :

« انگلیزلر ایچنده لسان هریده متخصص اولان ذواتک الکیوکارندن برینه مراجعتن نتیجه سنده ترجمه نك کمال دقت واعتنا ایله و غایت مکمل بر صورتده یایلدیغنه امین اولدق . ترجمه نك لسانی ساده ، تمیز ، مؤثر در . ترجمه هم صادق ، هم ده پک یوکسک برقیقی حائزدر ، بویله بر اثری وجوده کترین جدا افتخار ایدم بیلیر . باخصوص ترجمه نك قیسه بر مدت ظرفنده یعنی سکز سنده اتمام اولمشی مؤلفک فصل بر عشق ایله بوایشه صاریلدینی کویستر و بونقطه نظر دن برقات ده تبریک و تقدیره استحقاق کسب ایدر . مولوی علی پک یاقیندن طانیانلر نزدنده یایدیغمز تحقیقاتدن اونک مغلطور اولدینی مزایای فکریه سایه سنده پک قولایقله هراشده تمیز ایدرک عظیم بر ثروت صاحبی اوله بیله چکنی ، فقط مشار الیه کندیسنی دینه وقف ایدرک فقر و ضرورتده یشامغه راضی اولدینی اوکرنک . اثرک بتون ترجمه سی یالکز باشه کندیسنکدر . واقعا بز جناب استادک بتون اثری کورمدک . فقط بر چوق پارچه لرینی او قودق . و ممنون و مفتخر اولدق .

بر اسلام عالمک ، بویله بر موفقیت قازانمسه و دینه بویله بر خدمتده بولمسه ، هم ده ذکا و اقتدارینک کندیسنه وعد ایتدیکی هر درلو رفاهی چیکنه یه رک بتون موجودیتی بویله بر خدمت معظمیه حصر ایتمسه قارشی کندیسنی نه قدر تبریک و تقدیر ایتسه ک آزد . مع مافیه بزینه مشارالیه حضرتلرینه الکصیمی تبریکامیزی تقدیم ایله بویله بیوک عالمک عالم اسلامک هر طرفنده چو فالسنی عنایت حقندن تمی ایلر .

« تصویر افکار »

استاد محترم سلیمان نظیف بک افندی به

اولکی کون انتشار ایدن تصویر افکار ، بن مسلماندن اول عزم . دییه بر یسنک سوزیله « برضال » سرنامه سی آلتنده بوسوزی رد ایدن بر مقاله کزی احتوا ایدیوردی . بویله بر سوزک قائلی ، هیچ شهبسز ، بتون مسلمانلرجه منفور و حق رسول الله افندمک ، « لیس منا من دعا الی عصیه » قول منینی موجبجه ، بزدن دکلددر . کندیسنی آرمزدن ، اخوت اسلامییه دائره سندن اخراج ایدن بر آدمه اقتدا ایتک هیچ بر مسلمانک خاطر و خیالندن کچمز . بوک قارشی بزم وظیفه من

ایمانیزی ، موقت انفعالک صولتلیله رخنه دار ایتک دکل ، بالعکس آرتیق ایچمزدن ده بر طاقم ضال و مضل مفسدک تورم دیکنی و بونلرک دنی مقصدلر اوغورنده دست ارتکابی بزم قدر اوزاندق لرینی تقدیر ایدرک اونسبتده ایمانیزی تحکیم ایتک و مساعیه یز ایلر و لمتکدر . بیور . دیفکر کبی « ضلاله ضلال و اضلال ایله مقابله شاشقینه بحر کتدر . عقلی اولانلر ضلالدن رشاد و ارشاد ایله انتقام آلیرلر . »

مع مافیه ذات استادانه لری هر نه دن سه معهود سوزک قائله قارشی انفعالکزی ضبط ایدمیه رک بوسوزک قائله قطعاً حائر اولدینی بر اهمیت عظیمه ؛ اوت ، سزده بر انقلاب ایمان ایقاع ایدم چک قدر اعظام ایتدیگمز مستثنا بر اهمیت ؛ بر دیگرینک خزینه رشوتی تنظیر آخزینه بلاغ کزدن احسان ایدرک عصر لر دنبری علمدار اسلام اولان بوامت اسلامییه « بوندن بویله بیهوده ! یره قوتی اسراف ایتمه سنی ، توصیه بیور سوزک . « حضرت محمدک روحندن و ایمانندن طوغان . بر ملت بویله بر توصیه یی سزک قلم کزدن دیکله مک ایسته مزدی . بو توصیه نك ایچنده سزک دم قبول ایتیه چکمز معنار واردر : سز ، بوملق ، تعداد ایتدیگمز مناقب مبارکه سیله ثابت اولان لیاقت علویه سنه بناء کندیسنه من قبل الرحمن تودیع اولتان بر وظیفه مقدسه یه قارشی عصیانه دعوت ایدیور سوزک . بتون اسباب موجه کز ایه بر تک آدمک ، هم ده ماهیتی بتون مسلمانلرجه معلوم و محقر بر آدمک تک بر سوزی !

امین اولکیزکه بوسوزک قائلی فصل که اسلامی ، اخوت اسلامییه بزم قدر متأثر ایدم مزسه سزکده وصیتکیزک تأثیری او قدردر . تکرار ایدرم : « عصیت دعواسنه قالقیشان ، اونی ترویج و تشویق ایدن بزدن دکلددر . عصیت اوزرینه قتاله کیریشن ده بزدن دکلددر . کذلک عصیت دعواسی اوزره اولن ده بزدن دکلددر ، صدق رسول الله .

عمر رضا

صلحمن

بلغار صلحنی متعاقب بزم صلحمنکده شرائطی تقرر ایدم چکی مصر آ اشاعه ایدم کده ایدی . حالبوکه کون کچدکه صلحمنک یقینه انعقاد ایدم چکنه دائر هیچ بر اماره کور و نمیدیکی کی سیاسیات عالمی درین واسرا آلود بر سکوت قابلامقده و بوسکوتک مشیمه انهماندن نلر طوغه جفی آکلاشیله مامقده در . بزم قطعاً امین اولدینمز جهت بوکونکی سکوتی اقتضا ایدن حقیقی سبب دعوامزک قارشی قلعنی دکل ، بالعکس دعوامزی قارشدیرمقله بر حصه منفعت قویارمق ایستیلرک چوقلنی در . اساس اعتباریله بزم دعوامز قدر ساده ، طوغرو بر دعوا یوقدر . نه چاره که دعوامزی حل ایتک موقعنده بولسانلر ایچنده بر طاقم باطلیله استناد ایدن احتراصاتی ترویج ایچون کیجه کوندوز جالشانلر ، حرب عمومیده کی وضعیتمزی بهانه ایدرک موجودیتیزی